

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. III. Proponuntur conditiones quaedam necessariae vt quis peccet agens
contra Conscientiam errantem, seu obligantem per errorem.

urn:nbn:de:hbz:466:1-11367

§. III.

Ponuntur conditiones quædam necessariæ ut quis peccet,
agens contræ Conscientiam errantem, seu
obligantem per errorem.

13. **I** Stud igitur in confessio sit, verè peccari, Deique auctoritatem proteri, dum dictamen Conscientiæ, etiam falso peccatum esse judicanti vbi peccatum non est; aut lethale esse per errorem statuenti, veniale cum sit, voluntas nihilominus refragatur. Et Improuide parentes insantum vi- tia nonnum- quam exag- gerant.
- ideò inconsulto admodum, imò & malè eos credo, siue parentes, siue nutrices, siue puerorum institutores agere, qui vt eorum teneras adhuc mentes à scelerum contagio auertant, eadem aut exaggerant, aut etiam iis actionibus assingunt quæ sceleratæ non sunt, aut sanè non adeò sceleratæ. Nihil non esse lethale crimen, pueris persuadent nutrices quædam oppidò imprudentes. Si panem in terram projiciat petulans pufio, illicò mortale crimen id esse exclamat; si parenti infantes sint immorigeri, si leui mendacio, vt fit, veritati refragentur, inferni ignes promeruisse deblaterant; & plurima in hunc modum instituendis pueris convergunt terriculamenta. Interim erroribus imbuitur mens tenera & credula; & cum ætate errores crescunt, iisque implicita Conscientia sàpè occasionem præbet peccandi, vbi cæteroquin nulla peccandi est materia. Aliud sanè est, contra bonos mores agere, aliud verò mortale crimen committere. Neque verò vt boni ingenerant mores, malique dedoceantur, ad scelera lethalia, ignisque æterni supplicia recurrentum est. Alia terriculamenta suppetunt, aliæ pueris infligi solitæ, ad manum sunt pœnæ, quibus ab inhonestis actionibus arceantur, quām exaggeratæ peccatorum hyperbolæ, per quas in errorem inducantur infantes; & cum succreuerint, in vera scelera. Sufficit enim, vti jam dixi, judicare crimen esse id quod agis, vt verè committas crimen, etiam vbi mali non est species.
14. Ne tamè quis sepe peccasse non obediendo erranti Conscientiæ facile suspicetur, & credat temerè; duo dicenda sunt quæ rem explanent. Et Ut quis pec- cet contra Conscientiæ errantem, luntas, debet iudicari

*Conscientia
esse certum
& indubitata-
rum.*

luntas, firmam debere sibiique constantem. Judicium, inquam, debere certum esse & indubitatum, peccari in eo quod agitur, aut sine peccato omitti non posse quod proponitur. Nam si certa sit de actione suâ mens, & nihilominus inter agendum suspicionibus exortis de rei malitiâ agitetur, quâmis institutam actionem promoueat, non idcirco Conscientiae non censembitur obsecuta. Suspiciones enim judicia non sunt, atque adeò ad Conscientiam minimè spectant. Sic qui die jouis mensæ accumbit, & cùm cæteris conuiuis carne vescitur, si suspicionibus agi cœperit, forsitan diem esse veneris, Ephemerides inspiciendas antequam pergit, conuiuas fortassis esse hæreticos, è quorum exemplo dijudicari non possit jouisnè dies fit an veneris, vt qui vtroque perinde vescantur carnis : hisce, inquam, si mali imaginibus agitur, nihil quidquam sanè de institutâ comedendi ratione intermittat ; neque quidquam contra errantem Conscientiam sese commississe existimet. Nulla enim hîc Conscientiae vestigia sunt, cuius est non suspicari, sed certò & indubitati ferre de malo sententiam.

*Deinde debet
esse in erran-
te libertas ad
ponendum
vel non po-
nendum a-
ctionem cir-
ca quam er-
ratur.*

Alterum quoque sedulò est attendendum : nempe, neque verè neque falso judicantem Conscientiam obstringere, nisi res imperata in libero hominis posita sit arbitrio, sic vt in manu eius sit eam ponere aut non ponere, prout paragrapho secundo dicebamus. Nemo enim peccat in eo, quod ipsi vitio non potest verti & vituperio : huius autem fundamentum esse, libertatem agendi aut non agendi, res omnibus in confessu est. Itaque si quis detenus carcere aut lecto affixus, judicet mortale crimen se committere, si die Dominicâ sacrâ non intersit, atque adeò per errorem ei sacrum hunc cultum imperet Conscientia; nullo modo is contra Conscientiam errântem peccasse censendus est, quantumcumque id sibi per errorem persuadeat, neque de hâc re vlla facienda est exomologesis. Nulla enim ne Dei quidem vera lex obstringere quemquam potest, vt id agat quod in manu eius non est agere. Quantò igitur minus obligabit lex putatitia ?

*Mulos à
peccato ex-
cusas defen-
sibus liberi
arbitrii circa
guadama
matorias.*

Atque hinc ad graues difficultates, quas non pauci patiuntur, patet responsio. Plurimos esse constat, qui cùm ab omni actione quæ vel speciem peccati grauioris prä se fert maximè abhorrent, interim tamen aut obsecenis luduntur imaginibus, aut cogitationibus blasphemis & hæreticis grauissimè agitantur. Nullum qui-

15.

Sanch. I.1.
in Decal.
c. II. u. 3.

16.

dem iis consensum præbent; sed tamen vel præbere sibi falsò credunt; vel etiam cogitationibus tam horrendis tangi, grande per errorem, judicant piaculum. An hosce, saltem ob Conscientiam errantem, peccare quis dixerit? Minimè verò. Nam quamvis Conscientia dicet, peccari quoties eiusmodi cogitatio in mentem venit, tamen obligatio nulla inde voluntati exoritur; cùm & præter, imò & contra voluntatem ea phantasmatum, imagines, & cogitationes in mentis adyta, quasi per vim soleant irrumpere; sic ut voluntas hisce præpedita, libertate solitâ exuat, easque, vt cumque velit, minimè tamen possit repellere. Neque refert quod iis etiam consensum præbuisse sibi videantur; nam & hoc falsum est; & vt consensum aliquem præstiterint excipiendis hospitibus tam importunis, hunc ipsum non dedere liberè, cùm in eo statu non esset anima phantasmatis tam vehementibus implicata, ut vires omnes quantæ ad libertatem requiruntur, posset explicare. Atque hoc argumento ductus, virginem quandam à peccati noxā, judicio suo exceptit P. Nicolaus Baldellus Societatis nostræ Theologus acutissimus. Rem placet eius verbis describere, ut ad manum sit narratio, quæ Confessariis, iisque qui animarum, & quidem piarum præcipue, curam gerunt, maximo futura est usui. Plurimum enim, dæmonis artificio, inter pias mentes gräßatur hęc contagio. „ Ex hoc capite, inquit, amisit, sae libertatis & potentiae ad oppositum, alias censiū esse excusandam ab omni culpā nobilem virginem Romanam, quæ quamvis à primis annis vitæ innocentiam semper seruasset, & pietati & virtutibus semper vacasset, tamen ex naturali melancholiā eō deuenit, ut videretur sibi perpetuò irasci contra Deum & contra Beatissimam Virginem, omnesque Angelos aut Sanctos Dei, eosque prosequi pessimo odio, & blasphemias omnino turpissimas, atque grauissimas in corde suo in eos jactare, & mala omnia pro quācumque occasione iis velle. Ut videretur sibi v. g. pedibus ipsis velle eos calcare ac terere, cùm ambularet; acibus velle pungere ac transfodere, cùm forte acri operaretur; cultris ac gladiis velle discindere, cùm ad mensam federet, & cibos cultro diuideret; ipsa ventris excrementa velle illis in os ingerere, cùm ventrem exoneraret; & huiusmodi alia. Et ex his omnibus maximam capiebat molestiam, seque perpetuis lachrymis conficiebat; eō quodd sentiret, ut

H 3

„ ipsa

*Exemplum
Virginis bla-
phemæ &
tamen inno-
centiæ.*

„ ipsa dicebat , non solum hæc sibi esse in imaginatione aut
 „ mente , sed etiam pertingere usque ad cor , sequere omnia corde
 „ admittere , vereque velle , & verum assensum iis præbere . Et
 „ tamen præterea addebat , cupere se omnia opposita , & velle
 „ his omnibus assensum negare , non tamen posse . Quod enim
 „ hæc virgo in his omnibus omni culpâ vacaret , ex eo visum
 „ est mihi patere : quia omnes illæ prauæ apprehensiones pro-
 „ ueniebant ex nimia intentione & efficacitate phantasmatum
 „ notabiliter depravatorum per habitus , & vapores melancholi-
 „ cos , & ex nimis importunâ illorum accursione . Et idem , quia
 „ non poterat cum illis existere rectus usus rationis & mentis ,
 „ neque etiam poterat simul consistere vera libertas ; quæ tamen
 „ semper est necessaria ad contrahendam malitiam & ad pec-
 „ candum . Et cum misella illa bene aduerteret , & ore proprio
 „ confiteretur , se non posse cogitationes illas abscire , & actus
 „ odii non elicere , illud tamen non capiebat , quod ex hoc ipso
 „ capite impotentia , esset immunis ab omni culpâ : & quia
 „ maxime angebatur , dignissima erat omni commiseratione .
 Hactenus Baldellus .

Atque hæc quamvis fusiū descripta adferre placuit , vt anima-
 rum directores non mirentur , si in eiusmodi genios & ingenia
 inciderint : non enim existimo depravatos melancholicosque
 fumos omnes in hæc virgine fuisse absumptos ; nec diabolicas
 artes iis in rem suam egregie abutentes , penitus in diuexandâ
 hæc animâ exhaustos esse . Certè in vnam incidi , cuius historia
 erat huic persimilis , præterquam quod in multis esset non parum
 magis defidicula , quamvis non illi ipsi quæ errantis Conscien-
 tiæ aculeis torquebatur . Neque fæminarum tantummodo sunt
 hæ miseræ ; habent & viri suos fumos , habent & umbras suas .
 Etenim noui ego vitum sani ceteroquin cerebri , hominem frugi
 & insignem probitate , quiq[ue] & priuatas agebat res , imo &
 publicas , mente serenâ & placidâ ; qui tamen in hanc deuenerat
 opinionem , se sputo suo hominem posse confiscere ; adeò enim
 id esse virulentum , vt quisquis illud transgrederetur , illicò corre-
 trum iri sibi certò persuaderet . Itaque hæc mente se se templâ
 adire profitebatur ubi multis erat populus ; & ne ictum falleret ,
 ad vasculum in quo aqua benedicta populo proponitur accedere ,
 ibique excreare , vt certior esset aliquem unum saltem , sputum
 recens

*Item - viri
committen-
tis vni reba-
tur plurima
homicidia.*

17.

recens transgressorum, cuius veneno sic correpto tandem contabesceret. Et quidem quinquaginta tria, eo modo, à se numerabat perpetrata virorum præcipuorum eâ in urbe homicidia. Rogatus a me, ecce ab excretione, aliis tam cruentâ, non abstineret? Respondebat candidè, id verò non esse in manu sua; uirgeri se nimium homines trucidandi libidine. Erat interim homo mitissimus. An autem peccasse quis credat virum illum, saltem ex Conscientiâ erroneâ, cum ab actione non abstinet, quam sine summo scelere non posse confici Conscientia dictabat? Numquād id sanè crediderim: præpeditam enim habebat in hâc parte mentem, sui libertatisque suæ non satis compotem; & sic defectu libertatis, nulla erat Conscientiæ obligatio; quæ jure suo excidit, quoties incidit in voluntatem non omnimodis liberam, & ad agendum aut non agendum penitus expeditam.

§. IV.

Conscientiæ sine hæsitatione ullâ actionem aliquam permittenti, etiamsi erret, modo inuincibiliter, impunè creditur, & absque peccato eam sequitur voluntas.

18. **H**is ita ritè expositis, ad secundam partem accingamur. Et siquidem ostensum jam est, eam esse Conscientiæ auctoritatem à Deo, quasi voluntatis suæ interpreti & denuntiatori legitimo concessam, ut quæcumque ab eâ etiam per errorem mandata deferuntur, vim suæ legis obtineant, cui nefas sit obedientiam denegare, licet cæteroquin res nec prohibita esset nec illicita: istud modò inquirendum est, an etiam vice versa, Conscientia actionem aliquam voluntati possit permettere quasi licitam, cum tamen à Diuinis legibus, aut naturæ, aut etiam humanis prorsus sit prohibita; & an hoc modo rem proponendo, voluntatem ab omni obligatione liberet, sic ut actionem illam naturâ suâ malam, sine ullo tamen crimine impunè committat. Res est scitu pernecessaria, ut quæ sese humanis actionibus sæpiissimè intermiscet.

Dico